

## KOMMISJONSVEDTAK

2009/EØS/69/20

av 3. november 2005

**om endring av vedlegg I og II til vedtak 2003/634/EF om godkjenning av program med sikte på å gje soner og oppdrettsanlegg i soner som ikkje er godkjende, status som godkjende med omsyn til fiskesjukdommane hemoragisk virusseptikemi (VHS) og infeksjøs hematopoietisk nekrose (IHN)(\*)***[meldt under nummeret K(2005) 4185]*

(2005/770/EF)

KOMMISJONEN FOR DEI EUROPEISKE FELLESSKAPA  
HAR —

med tilvising til traktaten om skipinga av Det europeiske fellesskapet,

med tilvising til rådsdirektiv 91/67/EØF av 28. januar 1991 om krav til dyrehelse ved omsetning av akvakulturdyr og akvakulturprodukter<sup>(1)</sup>, særleg artikkel 10 nr. 2, og

ut frå desse synsmåtene:

- 1) Ved kommisjonsvedtak 2003/634/EF<sup>(2)</sup> vart dei programma som ulike medlemsstatar har lagt fram, godkjende og førde opp i ei liste. Programma er utarbeidde for at medlemsstatane seinare kan innleie framgangsmåtene for at ei sone eller eit oppdrettsanlegg i ei sone som ikkje er godkjend, skal få status som godkjend sone eller godkjent oppdrettsanlegg med omsyn til fiskesjukdommane hemoragisk virusseptikemi (VHS) og/eller infeksjøs hematopoietisk nekrose (IHN).
- 2) Programmet som er nytta i Finland med omsyn til IHN i heile territoriet og VHS i fastlandssonene, er no avslutta og bør strykast frå vedlegg I til vedtak 2003/634/EF.
- 3) Programmet som er nytta i Incubatoio ittico di valle — Loc. Cascina Prella — Traversella (TO), er no avslutta og bør strykast frå vedlegg II til vedtak 2003/634/EF.

4) Vedtak 2003/634/EF bør difor endrast.

5) Dei tiltaka som er fastsette i dette vedtaket, er i samsvar med fråsegna frå Det faste utvalet for næringsmiddelkjedja og dyrehelsa —

GJORT DETTE VEDTAKET:

*Artikkel 1*

I vedtak 2003/634/EF vert det gjort følgjande endringar:

1. Vedlegg I vert bytt ut med vedlegg I til dette vedtaket.
2. Vedlegg II vert bytt ut med vedlegg II til dette vedtaket.

*Artikkel 2*

Dette vedtaket er retta til medlemsstatane.

Utfjerda i Brussel, 3. november 2005.

*For Kommisjonen*

Markos KYPRIANOU

*Medlem av Kommisjonen*

(\*) Denne fellesskapsrettsakten, kunngjort i EUT L 291 av 5.11.2005, s. 33, er omhandlet i EØS-komiteens beslutning nr. 141/2006 av 8. desember 2006 om endring av EØS-avtalens vedlegg I (Veterinære og plantesanitære forhold), se EØS-tillegget til Den europeiske unions tidende nr. 15 av 29.3.2007, s. 5.

<sup>(1)</sup> TEF L 46 av 19.2.1991, s. 1. Direktivet sist endra ved forordning (EF) nr. 806/2003 (TEU L 122 av 16.5.2003, s. 1).

<sup>(2)</sup> TEF L 220 av 3.9.2003, s. 8. Vedtaket sist endra ved vedtak 2005/414/EF (TEU L 141 av 4.6.2005, s. 29).

## VEDLEGG I

## «VEDLEGG I

**PROGRAM SOM ER LAGDE FRAM FOR Å GJE SONER STATUS SOM GODKJENDE MED OMSYN  
TIL FISKESJUKDOMMANE VHS OG IHN**

## 1. DANMARK

DEI PROGRAMMA SOM VART LAGDE FRAM AV DANMARK 22. MAI 1995, OMFATTAR:

- nedbørfeltet FISKEBÆK Å,
- alle DELAR AV JYLLAND sør og vest for nedbørfelta til Storåen, Karup Å, Gudenåen og Grejs Å,
- alle DANSKE ØYAR.

## 2. TYSKLAND

DEI PROGRAMMA SOM VART LAGDE FRAM AV TYSKLAND 25. FEBRUAR 1999, OMFATTAR:

- ei sone i nedbørfeltet til «OBERN NAGOLD».

## 3. ITALIA

3.1. DET PROGRAMMET SOM VART LAGT FRAM AV ITALIA FOR DEN AUTONOME PROVINSEN BOLZANO 6. OKTOBER 2001, ENDRA VED BREV AV 27. MARS 2003, OMFATTAR:

**Den autonome provinsen Bolzano**

- Sona omfattar alle nedbørfelt i provinsen Bolzano.

Sona omfattar den øvre delen av ZONA VAL D'ADIGE, dvs. nedbørfelta til elva Adige, frå kjelda i provinsen Bolzano fram til grensa mot provinsen Trento.

(NB: Den nedre delen av ZONA VAL D'ADIGE er omfatta av det godkjende programmet til den autonome provinsen Trento. Dei øvre og nedre delane av denne sona skal reknast som éi epidemiologisk eining.)

3.2. DEI PROGRAMMA SOM VART LAGDE FRAM AV ITALIA FOR DEN AUTONOME PROVINSEN TRENTO 23. DESEMBER 1996 OG 14. JULI 1997, OMFATTAR:

**Zona Val di Sole e Val di Non**

- Nedbørfeltet frå kjelda til elva Noce fram til demninga S. Giustina.

**Zona Val d'Adige — den nedre delen**

- Nedbørfeltet til elva Adige og kjeldene hennar innanfor territoriet til den autonome provinsen Trento, frå grensa mot provinsen Bolzano fram til demninga Ala (vasskraftverk).

(NB: Den øvre delen av ZONA VAL D'ADIGE er omfatta av det godkjende programmet til den autonome provinsen Bolzano. Dei øvre og nedre delane av denne sona skal reknast som éi epidemiologisk eining.)

**Zona del torrente Arnò**

- Nedbørfeltet til fjellelva Arnò, frå kjelda fram til demninga nedstrøms før staden der fjellelva Arnò og elva Sarca møtest.

**Zona Val Banale**

- Nedbørfeltet til elva Ambies, fram til demninga ved eit vasskraftverk.

**Zona Varone**

- Nedbørfeltet frå kjelda til elva Magnone fram til fossen.

**Zona Alto e Basso Chiese**

- Nedbørfeltet til elva Chiese, frå kjelda fram til demninga Condino, bortsett frå bassenga til fjellelvane Adanà og Palvico.

**Zona del torrente Palvico**

- Nedbørfeltet til fjellelva Palvico, fram til ei demning av betong og stein.

**3.3. DET PROGRAMMET SOM VART LAGT FRAM AV ITALIA FOR REGIONEN VENETO 21. februar 2001, OMFATTAR:****Zona del torrente Astico**

- Nedbørfeltet til elva Astico, frå kjelda (i den autonome provinsen Trento og i provinsen Vicenza, regionen Veneto) fram til demninga i nærleiken av Pedescala bru i provinsen Vicenza.

Den nedre delen av elva Astico, mellom demninga i nærleiken av Pedescala bru og demninga Pria Maglio, vert rekna som ei buffersone.

**3.4. DET PROGRAMMET SOM VART LAGT FRAM AV ITALIA FOR REGIONEN UMBRIA 20. FEBRUAR 2002, OMFATTAR:**

**Zona Fosso di Monterivoso:** nedbørfeltet til elva Monterivoso, frå kjeldene fram til dei uoverstigelege demningane nær Ferentillo.

**3.5. DET PROGRAMMET SOM VART LAGT FRAM AV ITALIA FOR REGIONEN LOMBARDIA 23. DESEMBER 2003, OMFATTAR:**

**Zona valle del torrente Venina:** nedbørfeltet til elva Venina, frå kjeldene og dei følgjande grensene:

- vest: Livrio-dalen,
- sør: Orobie-alpane, frå Publino Pass til Pizzo Redorta,
- aust: Armisa- og Armisola-dalen.

**3.6. DET PROGRAMMET SOM VART LAGT FRAM AV ITALIA FOR REGIONEN TOSCANA 23. SEPTEMBER 2004, OMFATTAR:**

**Zona valle di Tosi:** nedbørfeltet til elva Vicano di S. Ellero, frå kjeldene fram til demninga ved Il Greto ved landsbyen Raggioli.

## 4. FINLAND

4.1. DET PROGRAMMET MED OMSYN TIL VHS<sup>(1)</sup> SOM INNEHELD SÆRLEGE TILTAK FOR UTRYDDING, OG SOM VART LAGT FRAM AV FINLAND 29. MAI 1995, ENDRA VED BREV AV 27. MARS 2002, 4. JUNI 2002, 12. MARS 2003, 12. JUNI 2003, 20. OKTOBER 2003 OG 17. MAI 2005, OMFATTAR:

- Alle kystområde i FINLAND med særlege tiltak for utrydding i:
  - provinsen Åland,
  - det området i Pyhtää som er underlagt restriksjonar,
  - det området i kommunane Uusikaupunki, Pyhäranta og Rauma som er underlagt restriksjonar.

## 5. KYPROS

DEI PROGRAMMA SOM VART LAGDE FRAM AV KYPROS 20. APRIL 2004, OMFATTAR:

- Heile territoriet til Kypros.»
- 

<sup>(1)</sup> Programmet er avslutta ved dette vedtaket med omsyn til IHN, ettersom status som godkjend sone er oppnådd.

*VEDLEGG II**«VEDLEGG II***PROGRAM SOM ER LAGDE FRAM FOR Å GJE OPPDRETTSANLEGG I SONER SOM IKKJE  
ER GODKJENDE, STATUS SOM GODKJENDE OPPDRETTSANLEGG MED OMSYN TIL  
FISKESJUKDOMMENE VHS OG IHN**

## 1. ITALIA

1.1. DET PROGRAMMET SOM VART LAGT FRAM AV ITALIA FOR REGIONEN FRIULI VENEZIA  
GIULIA I PROVINSEN UDINE 2. MAI 2000, OMFATTAR:

**Oppdrettsanlegg i nedbørfeltet til elva Tagliamento:**

- Azienda Vidotti Giulio s.n.c., Sutrio

1.2. DET PROGRAMMET SOM VART LAGT FRAM AV ITALIA FOR REGIONEN VENETO 21. DESEMBER  
2003, OMFATTAR:

**Oppdrettsanlegget:**

- Azienda agricola Bassan Antonio.»
-